

# PROGRAM PODRŠKE MARGINALIZIRANIM GRUPAMA (PPMG)

AVGUST 2016.

## III. REGIONALNA KONVENCIJA MLADIH LIJEČENIH OD RAKA ODRŽANA U SARAJEVU

Udruženje Srce za djecu koja boluju od raka organiziralo je treću regionalnu konvenciju mladih liječenih od raka, a koju je podržao USAID/PPMG. Konvencija je organizirana od 10. do 13. augusta 2016. g. u Sarajevu i okupila je 50 mladih u dobi od 16 do 26 godina iz Srbije, Makedonije, Slovenije, Hrvatske, Crne Gore i Bosne i Hercegovine.

19. februara 2011. potpisana je Deklaracija o osnivanju Mreže omladinaca izlječenih od raka, koja se bori da osigura prava mladih koji su se nekada liječili, upozna ih sa njihovim pravima i pomogne im u savladavanju poteškoća u društvu, školi i okolini.



Za vrijeme svog rada, članovi Mreže shvatili su da broj adolescenata izlječenih od raka raste, da se suočavaju s brojnim problemima i da im je neophodna podrška, kvalitetna resocijalizacija i međusobna razmjena iskustava.

Istovremeno, nastala je Mreža u Srbiji i drugim zemljama regije. Tada se javila ideja za organiziranje godišnjih druženja. Regionalna konvencija održana je dva puta u Srbiji a ove godine je BiH bila domaćin. Domaćini su ugostili 40 učesnika Konvencije koji su se družili i zajedno učili tri dana. Trodnevni boravak u BiH omogućio je učesnicima/ama prezentiranje rada članova/ica Mreže u proteklom periodu. Osim što im je cilj da se kroz različite aktivnosti osnažuju, MladiCe imaju praksu da posjećuju djecu koja se trenutno liječe i ohrabruju ih svojim primjerom.

## SADRŽAJ

III. Regionalna konvencija mladih liječenih od raka održana u Sarajevu .....	1
Predstavnici USAID/PPMG posjetili korisnike stambene zajednice "Sumero" u Sarajevu .....	2
Proreha započela s edukacijom osoba s invaliditetom .....	3
Srce puno osmijeha u posjeti pedijatrijskoj klinici .....	3
USAID/PPMG nastavlja s pružanjem savjetodavne podrške korisnicima grantova .....	5



Također, učesnici/e su imale/e priliku upoznati se međusobno i kroz neformalna druženja ali i posjetiti najvažnije znamenitosti u BiH.

Za vrijeme trajanja Konvencije učesnici/e su imali brojna predavanja o praćenju nakon liječenja i o kasnim posljedicama o čemu su razgovarali s ljekarom specijalistom za kasne posljedice i praćenje. Jedno predavanje bilo je posvećeno temi samopromocije i o tome kako sam uspjeti u današnjem poslovnom svijetu. Organizatori su organizirali i radionice o pisanju projekata i komunikacijskim vještinama.

Učesnici/e ove susrete smatraju korisnim iz više razloga. Jedan od njih je mogućnost da provode vrijeme sa onima koji ih najbolje razumiju i koji imaju isto iskustvo kao i oni a drugi razlog je taj što im je pružena prilika da čuju, vide i nauče mnogo novih i korisnih stvari i vještina.

## PREDSTAVNICI USAID/PPMG POSJETILI KORISNIKE STAMBENE ZAJEDNICE “SUMERO” U SARAJEVU

U srijedu, 24. avgusta, predstavnici/e USAID/PPMG posjetili su Zlatana, Ismara i Rasima u njihovom domu, stambenoj zajednici Sumero u Nedžarićima. Naši domaćini su tokom posjete govorili o svojim svakodnevnim aktivnostima, životu u lokalnoj zajednici te ciljevima, ambicijama i borbi za pravo da žive život u lokalnoj zajednici kao i svi drugi - život dostojan čovjeka.

Tokom posjete i razgovora sa korisnicima imali smo priliku da se direktno na terenu upoznamo sa servisima podrške koje Savez organizacija za podršku osobama s teškoćama Federacije Bosne i Hercegovine - Sumero razvija u lokalnim zajednicama. U okviru posjete, održan je i radni sastanak sa predstvincima/ama projektnog tima Sumero.

Ovaj projekt je dio procesa koji treba pokazati da se kvalitetne, inkluzivne, sveobuhvatne, održive i isplative usluge u zajednici mogu i trebaju razviti kao alternative stacionarnom institucionalnom smještaju u zavodima. Kroz razvijanje stambenih zajednica, procjenom sposobnosti i potrebne podrške, edukacijom i podizanjem svijesti javnosti o mogućnostima ove populacije, projekat će direktno doprinijeti boljoj poziciji ove populacije, kao i sprečavanju i smanjenju uzroka i posljedica socijalne isključenosti osoba s intelektualnim teškoćama.





Projektom će se omogućiti i jačanje kapaciteta organizacija za razvijanje programa usmjerenih na socijalno uključivanje osoba s intelektualnim teškoćama. Zlatan, Ismar i Rasim su korisnici projekta "DI-SP" - Jačanje procesa deinstitucionalizacije osoba sa invaliditetom i sistemi podrške u lokalnoj zajednici koji implementira Savez organizacija za podršku osobama s teškoćama Federacije Bosne i Hercegovine (Sumero-FBiH) uz podršku USAID/PPMG.

## PROREHA ZAPOČELA S EDUKACIJOM OSOBA S INVALIDITETOM

Centar za profesionalnu rehabilitaciju, prekvalifikaciju i zapošljavanje osoba s invaliditetom - Proreha u augustu je započeo s edukacijom za osobe s invaliditetom. U augustu je održana prva radionica o temi Poslovna komunikacija u okviru projekta "Edukacija i stažiranje osoba s invaliditetom", koji se implementira uz podršku USAID/PPMG.

Projekt ima za cilj doprinijeti boljim životnim uvjetima teško zapošljivih osoba te im omogućiti da ostvare pravo na rad i da imaju jednaka prava na stažiranje i zapošljavanje. Ovim projektom želi se povećati nezavisnost u poslovnim vještinama i ojačati kapacitete osoba s invaliditetom, unaprijediti znanje i vještine poslovnih organizacija o zapošljavanju osoba s invaliditetom te povećati svijest o pravima teško zapošljivih osoba.

Kako ističi iz ProRehe, u BiH osobe s invaliditetom su izložene diskriminaciji i brojnim drugim nedostatcima na tržištu rada. Ulazak na tržište rada i dugoročnije zadržavanje posla za osobe s invaliditetom je u potpunosti otežano zbog nedostatka podrške i prihvatanja u društvu.

Za osobe s invaliditetom proces profesionalnog osposobljavanja i zapošljavanja moguć je jedino putem dugoročnih projekata kao i kroz osnivanje centara za profesionalno osposobljavanje, rehabilitaciju i prekvalifikaciju. Trenutno se u BiH ne pružaju nikakve usluge koje bi za cilj imale povećanje sposobnosti osoba s invaliditetom kad je u pitanju traženje posla, stažiranje i zapošljavanje.

U okviru svog projekta ProReha je kreirala programe treninga i edukacija o temama kao što su razvoj socijalnih vještina, poslovna komunikacija, upravljanje vremenom i stresom, rješavanje problema i situaciono vođenje. Također, kreiran je i program praktične nastave vezane za tehničko- administrativni rad, uređenje enterijera i plasteničku proizvodnju.

Prvi u nizu treninga je održan u augustu a tema je bila „Poslovna komunikacija“. U okviru treninga polaznici/e su imali priliku čuti nešto više o odnosu zaposlenika i poslodavca, kanalima komunikacije u poslovnim organizacijama kao i ulozi zaposlenika/ca i direktora/ice u kompanijama. Polaznicima/ama je usvajanje znanja olakšano kroz brojne vježbe koje su se odnosile na verbalnu i neverbalnu komunikaciju u poslu, eksternu komunikaciju s drugim organizacijama, poslovnu etiku odnosno etičko i neetičko ponašanje u organizacijama.

## SRCE PUNO OSMIJEHA U POSJETI PEDIJATRIJSKOJ KLINICI

Udruženje građana Srce puno osmijeha započelo je sa svojim aktivnostima u okviru projekta Krug Ljubavi koji podržava USAID/PPMG. Projekat Krug Ljubavi/Circle Of Love bavi se problematikom psihosocijalne pomoći marginaliziranih skupina djece u BiH.

Projektom su planirane dvije posjete mjesечно Pedijatrijskoj klinici u Sarajevu, u periodu od 12 mjeseci. Prva posjeta održana je 18. augusta 2016. g.

Volonteri/ke Udruženja obišli su cijelu Kliniku te su uz pomoć balona za modeliranje i muzičko-inspirativnom predstavom na 8. spratu kao i specijalnim fotografiranjem





sa klaunovima razveselili sve male pacijente Klinike. Jedna od aktivnosti bila je i oslikavanje lica a volonteri/ke su organizirali i izradu fotografija koje su istog dana uručili mališanima i roditeljima.

Kako ističu iz Udruženja, glavni cilj ovog projekta je doprinijeti unapređenju položaja djece iz ugroženih kategorija, poboljšati psihološko stanje djece i povećati socijalnu uključenost djece i mladih sa posebnim potrebama. Glavne aktivnosti projekta su orientirane na institucije koje su namijenjene za pružanje pomoći, kako zdravstvene tako i psihološke, ustanovama za odgoj i obrazovanje djece iz marginaliziranih skupina.

Sve aktivnosti projekta su edukativnog karaktera i

prilagođene su djeci koja su korisnici/e institucija. U Udruženju smatraju da su marginalizirane/ranjive grupe ljudi one grupe ljudi koje su zbog individualnih karakteristika diskriminirane i podložnije nasilju i nepoštivanju vlastitih ljudskih prava, te da nemaju isti pristup informacijama i ustanovama zbog čega je aktivno sudjelovanje u civilnom društvu dodatno sputano. Volonteri/ke ističu da se aktivnost odvijala u hodniku 8. sprata Klinike, gdje su imali priliku zabaviti i ohrabriti djecu sa svih odjela, a koja su bila u mogućnosti prisustvovati. Volonteri/ke su posjetili i Hematoonkološki odjel, gdje su s balonima i osmijehom bili podrška i najhrabrijim borcima.





## USAID/PPMG NASTAVLJA S PRUŽANJEM SAVJETODAVNE PODRŠKE KORISNICIMA GRANTOVA

Potpisivanjem ugovora krajem mjeseca jula USAID/PPMG podržao je projekt Krug Ljubavi. Svakako, podrška podrazumijeva ne samo finansijsku nego i savjetodavnu podršku Udruženju građana Srce puno osmjeha koja je



udruženjima često i potrebni. S tim u vezi, projektni tim USAID/PPMG održao je 31.8.2016. g. sastanak s predstvincima/ama UG Srce puno osmjeha.

U okviru informativnog sastanka za predstavnike/ce Udruženja je pripremljena i kratka prezentacija vezana za finansijsko izvještavanje koja je imala za cilj olakšati korisnicima budući rad te su oni nakon izlaganja mogli razriješiti brojne nedoumice uz stručnu pomoć finansijske savjetnice USAID/PPMG-a.

Tim za organizacijski razvoj tokom susreta je prezentirao brojne alate koji će korisnicima grantova pomoći da izvrše procjenu kapaciteta organizacije ali i olakšaju proces monitoringa i evaluacije projekata. Ovakvi sastanci sigurno će olakšati rad predstvincima udruženja ali i omogućiti im lakše snalaženje u drukčijem sistemu rada od onoga koji su ranije primjenjivali.

### Obezbijeden rad mobilnog tima

Udruženje za podršku porodicama, licima i zajednici u mentalnom zdravlju „Zajedno“ iz Banjaluke je u augustu obezbijedilo rad mobilnog tima u lokalnoj zajednici Sanski Most, a pružena je i stručna podrška korisnicima usluga mentalnog zdravlja i njihovim porodicama kod kuće nakon otpuštanja iz institucije s ciljem veće samostalnosti, zdravstvenog oporavka i pružanja podrške u kriznim situacijama i pomoći prilikom uključivanja u Dnevni centar, odnosno lokalnu zajednicu.

### Zaposlena tri korisnika Centra

Centar za profesionalnu rehabilitaciju, prekvalifikaciju i ospozobljavanje osoba s invaliditetom i drugih teško zapošljivih kategorija - „ProReha“ je toku augusta radio na dogovaranju novih radnih angažmana za svoje korisnike. S tim u

vezi, u augustu je potpisani ugovor s kompanijom Starline i restoranom Popay te je dogovoren radni angažman za dvoje korisnika, Lejlu Insanić i Irfanu Kulića, a za Elmedinu Lelo produžen je radni angažman.

### Desetero djece pohađalo program uključivanja u školski sistem

Udruženje „Zemlja djece u Bosni i Hercegovini“ u okviru svog projekta pod nazivom Ujedinjeni u borbi protiv modernog ropstva djece u augustu je nastavilo raditi na obrazovanju djece. Stoga je desetoro djece uključeno u segment predškolske pripreme u okviru programa uključivanja djece u školski sistem kroz aktivnosti predškolske pripreme Dnevnih centra u Tuzli u avgustu, redovno pohađalo program, a za grupu djece u Kiseljaku jedna od korisničkih porodica obezbijedila je prostor u vlastitom dvorištu.

**USAID - Program podrške marginaliziranim grupama (PPMG)**  
Program provodi Institut za razvoj mladih KULT  
u partnerstvu sa NGO & BUSINESS AUDIT d.o.o.  
Ul. 4. viteške brigade 34-36 • 71210 Ilidža • Bosna i Hercegovina  
T: +387 33 778 766  
F: +387 33 778 779  
**[www.ppmg.ba](http://www.ppmg.ba)**